

Iepa, irakurle! Hauxe duzu zure txokoa, inguruko deialdien berri emateko edo zeure iritziak eta kezak plazaratzeko. Deitu 943 300 222 telefonora edo bidali mezua 943 300 255 faxera edo **barkatu_ama@egunkaria.com** posta elektronikora. **Animatu!**

internet en

irristatzen@egunkaria.com
→ jabi zabala

irristatzen

'imbecil.com'

MCD, agindutakoa betetzen

Duela hilabete batzuk esan genuen Bilboko MCD taldeak disko berria sarearen bidez eta debalde argitaratuko zuela. Bada, *imbecil.com* kalean




da dagoeneko edo, hobeto esanda, berau osatzen duten 16 abestiak sarean daude jada, doan eskuratzeko moduan, izen bera duen domeinuan. *Eskoria* izeneko bideoklipa ere sarearen bidez ikusi behar da derrigorrean, webgunean ipini baitute webklipa, QuickTime formatuan. Atzerapenez, abutzu hasieran hasi ziren agertzen webgunean abestiak. Hasieran maketatik ateratakoak ziren eta, nahasketak egin ahala, behin betikoak jarri dituzte, banaka. Irailaren 26rako abesti guztiak zeuden eskuragai.

CD birtuala osatzen duten abesti guztiak jaitsi daitezke, mp3 formatuan baitaude, ordenagailutik bertatik entzuteko. Baina gure etxean benetako audio CDa osatu nahi badugu, elementu grafiko guztiak emango dizkigute MCDkoek: azala, kontrazala, CDaren *gaileta* eta barruko koaderno, alde guztietatik inprimatzeko. Ondoren, mp3 formatutik (wav edo aiff formatuetara, Windows edo Mac erabiltzen dugun) destrinkotu behar ditugu abestiak eta CD grabagailu baten bidez grabatu audio diskoa.

Grabatzeko eta muntatzeko xehetasun guzti-guztiak *Bricolage* atalean eman dizkigute, euren esanetan *imbecil* batentzako nahikoa errazak. Hala ere, «tostadorarik (grabagailua) ez duenak edo alferregia denak ere eskuratu ahal izango du CDa salneurri iragarrian», iragarri digu *imbecil.com*-eko webmaster Niko Vazquezek. MCDko baxu jolea izateaz gain, muntaia honen guztiaren sortzailea dugu Niko internauta porrokatua.

Bestelako elementuak ere eskaintzen dituzte webgunean, nahi duenak nahi duen moduan erabiltzeko: kanten letrak euskaraz eta gaztelaniaz, bakoitzaren azalpena eta diskoko elementu grafikoak banaka, «elastikoak, postalak, posterrak eta abar egin nahi badituzue». EPS formatuan banatzen dituzte elementu horiek. Beraz, Freehand, Photoshop, Illustrator edo Corel programak behar ditugu horiek erabiltzeko. Lerro hauek idatzi dituenak CDa osatu du eta jada *imbecil* sentitzen da. A! Eta diskoa *imbecil records*-ek ekoitzi du.



SEG atalean (Sarritan Eginiko Galderak) diskoaren inguruko zalantza guztiak argituko dizkigute MCDkoek. Bitxikeria moduan, edizio pertsonalizatuak ere aterako dituzte hala eskatzen dituztenentzat, taldekideek dedikatuak eta sinatuak... Baina horiek ordaindu beharko dira, noski; gastuak pagatzeko.

Software librea erabiliz egina dago *imbecil.com* webgunea; PHP-Nukez, hain zuzen. Horri esker, webgune dinamikoak egin daitezke, datu baseak erabiliz, eta doan eskura daiteke sarean. Filosofia berarekin egin dute diskoa eta euren lana kopiatzea eta banatzea ez dute begi txarrez ikusten. Aldiz, *pirateatzeko* deia ere egin dute: «Beharrezkoa dugu zuen laguntza, egungo sistema diskografikoa suntsitzeko eta komunikabideetan hedatzen ari diren egile eskubideen inguruko bullshit hori zein *pirateoaren* kontrako ahots hipokritak isilarazteko».

Helbideak:

■ MCD: www.imbecil.com

Lehiaketak

Ipuin lehiaketa / Erretereria. Ereintza Elkarteak antolatzen duen Erretereria Hiria lehiaketan euskara zein gaztelaniazko lanak aurkez daitezke, gutxienez hiru orrikoak eta gehienez zortzikoak (makina). Lanak aurkezteko epea urriaren 31tik abenduaren 15a arteko da. Informazio gehiago: 943-52.65.53.

Marrazketa / Tolosa. Amigos de Cuba y P'Alante elkarteak marrazketa lehiaketa bat antolatu du. Informazioa Tolosako Kultur Etxean dago.

Diapositibak / Donostia. Gipuzkoako Mendizale Federazioak diapositiba lehiaketa antolatu du. Edozein mendizalek parte hartu ahal du horretan, eta bi arlotan sailkatuko dira igorritako lanak: mendia eta bere aberastasuna deritzon arloan eta mendietako ingurugiro arazoak izenekoan. Diapositibekin batera, egilearen datuak bidali beharko dira, bi helbide hauetako batera: Gipuzkoako Mendizaleen Federazioa, Anoeta Estadioa, Anoeta pasealekua, 5. 20.014 Donostia. Edo Pol-Pol Mendizale Taldea, Komenio Kalea 4,

20.570 Bergara. Lanak 2002. urteko urtariraren 8a baino lehen bidali behar dira.

Komikiak / Elgoibar. Urteroko moduan, Elgoibarko Kultur Zerbitzuak eta Kokoe komikilarien taldeak komiki lehiaketa antolatu dute. Nahi duen orok parte har dezake lehiaketan, baina zenbait ezaugarri betetzea beharrezkoa izango da: lau orriko luzera, 18x24 zentimetroko formatua eta zuri-beltzekoa. Hiru sari nagusi izango dira: 80.000 pezeta lehenengoarentzat, 60.000 pezeta bigarrenarentzat eta

40.000 pezeta hirugarrenarentzat. Gaur amaitzen da lanak aurkezteko epea: Kultura Zerbitzua, Nafarroa plaza 3, 20.870 Elgoibar.

Postalak / Bermeo. Oporlekutik bidalitako postalen lehiaketa da. Jasotzen diren guztien artean bi gauza hartuko dira kontuan: postalaren edertasuna eta nondik bidalitakoa den. Lanak aurkezteko azken eguna gaur da, eta helbide honetara igorri behar dira: Gazte Informazio Bulegoa, Askatasun Bidea 2-behea. 28.370 Bermeo.

Literatura / Iruñea. Iruñeko Udalak antolatzen duen Egile berrientzako literatura lehiaketa abian da, hamaseigarren aldiz. Lehiaketaren barnean, olerkigintza, narrazio laburra, bertsopaperak eta komikiari dagozkion atalak aurki daitezke. Lanak aurkezteko epea urriaren 31n amaituko da.

Ikastaroak

Espresio gunea / EHU. Euskal Herriko Unibertsitateak, espresio gunearen bidez, hainbat ikastaro eta lantegi jarri ditu martxan. Ikastaro guzti horiek ikasgelatan daude antolatuak: Antzerki ikasgela, musika ikasgela, ikus-entzunezkoen ikasgela, dantza ikasgela eta sukaldaritza ikasgela. Horrez gain, zenbait dantza eskolatan behar den handiak eskaintzen ditu. Unibertsitariok aukera askeko kredituak eskura ditzakete, eta prezio oso merkean egiten dira ikastaroak. Informazio zehatzagorako: 943-44.81.59 eta www.sc.ehu.es/kultura.

Perkusio eta ahotso / Arrasate. Urriaren 8, 15, 22 eta 29an perkusio lantegia egingo dute, eta azaroaren 5, 12, 19 eta 26an ahotsarena. Informazio gehiago eskuratzeko: 943-79.80.25.

Hainbat / Erretereria. Erretereria Hi-

ria Kulturagunean makina bat ikastaro egingo dira datorren hilabetetik aurrera: gidolaritza, argi eta soinua, bideoa, irratia, lokuzioa... Ikastaro guztiak eduki teoriko zein praktikoa izango dituzte. Informazio gehiagorako: 943-44.94.34 edo kulturagunea@erretereria.net.

LIBURU GOMENDIOA



Folin markesa

Kepa Altonaga
■ Elhuyar-ek plazaratua

Liburu multidiziplinarra non ere baita, modernoa eta orijinala. Errealitatea bezain klasifikagaitza: zientziak eta letrak txortan. Dokumentazio grafiko nasaia: Dodoa, Tartzan, Garat, Atlantida, hameka marraskilo, Tafallako armaria, lemuridoak... Hizkerari dagokiolarik, bertzelako Batua aldea saio sortzaile eta polifonikoa. Nago oihartzun gutxiak izan duen dibulgazio bigarren saria jasogatik. Eta hala ere badu akatsik naski: paper *couche* ofizialdegiak salneurria goititu du sobera.

Asisko Urmenetaren **tik**
Komikilaria



Joseba Irazoki gitarra jotzailearen talde berriaren diskoa salgai!

